



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080107120238819

№ 298

17 / იანვარი / 2019 წ.

**შპს „პრინტ ჰაუსეს“ გაფრთხილების შესახებ**

**შემსყიდველი ორგანიზაცია:** შპს „საქართველოს მელიორაცია“;

**გამარტივებული შესყიდვის შესახებ ხელშეკრულების რეკვიზიტები:** 30.07.218 №80/18 (CMR180140992);

**შესყიდვის ობიექტი:** 22100000 – ნაბეჭდი წიგნები, ბროშურები და საინფორმაციო ფურცლები;

**მიმწოდებელი:** შპს „პრინტ ჰაუსე“ (ს/ნ: 406246361);

**წერილობითი შეტყობინების საფუძველი:** სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულება.

**აღწერილობითი ნაწილი**

**1. ადმინისტრაციული წარმოების დაწყება**

1.1. სახელმწიფო შესყიდვების სააგენტოში 2018 წლის 22 ნოემბერს წარმოდგენილ იქნა შპს „საქართველოს მელიორაციის“ 2018 წლის 22 ნოემბრის № გ-3223 წერილობითი შეტყობინება (რეგისტრაციის № 9826), რომლითაც სააგენტოს ეცნობა შპს „პრინტ ჰაუსეს“ (ს/ნ: 406246361) მიერ გამარტივებული შესყიდვის საშუალებით დადებული 2018 წლის 30 ივლისის №80/18 სახელმწიფო შესყიდვის შესახებ ხელშეკრულებით (CMR180140992) ნაკისრი ვალდებულებების არაჯეროვანი შესრულების თაობაზე.

1.2. სააგენტომ შპს „პრინტ ჰაუსეს“, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის [printhousegeorgia@gmail.com](mailto:printhousegeorgia@gmail.com) მეშვეობით, 2018 წლის 26 ნოემბრის № 4018 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. მიმწოდებელს განმარტება არ წარმოუდგენია.

**2. შემსყიდველი ორგანიზაციის პოზიცია**

შემსყიდველი ორგანიზაციის წერილობითი შეტყობინების თანახმად, მიმწოდებელს, 2018 წლის 30 ივლისის №80/18 სახელმწიფო შესყიდვის შესახებ ხელშეკრულების საფუძველზე, ხელშეკრულების გაფორმებიდან 15 კალენდარული დღის ვადაში (2018 წლის 14 აგვისტოს ჩათვლით), მისთვის უნდა მიეწოდებინა სტენდი, ბანერი და ლოგო. ხელშეკრულების ღირებულებად განისაზღვრა 2 900 ლარი, ხოლო მოქმედების ვადად – 2018 წლის 12 ოქტომბერი. მიმწოდებელმა არაჯეროვნად შეასრულა ხელშეკრულებით ნაკისრი ვალდებულებები და ამოიწურა 2018 წლის 30 ივლისის № 80/18 სახელმწიფო შესყიდვის შესახებ ხელშეკრულების მოქმედების ვადა.

**3. მიმწოდებლის პოზიცია**

მიმწოდებელს ადმინისტრაციული წარმოების ფარგლებში განმარტება არ წარმოუდგენია.

**4. სააგენტოს მიერ დადგენილი გარემოებები**

4.1. 2018 წლის 30 ივლისის შპს „საქართველოს მელიორაციამ“ და შპს „პრინტ ჰაუსემ“ გამართივებული შესყიდვის საშუალებით გააფორმეს 2018 წლის 30 ივლისის № 80/18 სახელმწიფო შესყიდვის შესახებ ხელშეკრულება (CMR180140992), რომლის საფუძველზეც, მიმწოდებელს, ხელშეკრულების გაფორმებიდან 15 კალენდარული დღის ვადაში (2018 წლის 14 აგვისტოს ჩათვლით), მისთვის უნდა მიეწოდებინა სტენდი, ბანერი და ლოგო. ხელშეკრულების ღირებულებად განისაზღვრა 2 900 ლარი, ხოლო მოქმედების ვადად – 2018 წლის 30 სექტემბერი.

4.2. 2018 წლის 28 სექტემბრის №1 და 5 ოქტომბრის №2 შეთანხმებებიდან ირკვევა, რომ სარეორგანიზაციო პროცესების გამო მიმწოდებელი ვერ ახერხებდა საქონლის დროულად მიწოდებად, რის გამოც ხელშეკრულების მოქმედების ვადა, საბოლოოდ, გაიზარდა 2018 წლის 12 ოქტომბრის ჩათვლით.

4.3. მიმწოდებელმა შემსყიდველ ორგანიზაციას მიაწოდა 1 750 ლარის ღირებულების საქონელი (სრული მოცულობის 60%), რაც დასტურდება მხარეთა შორის გაფორმებული 2018 წლის 5 ოქტომბრის მიღება-ჩაბარების აქტით.

4.4. შპს „საქართველოს მელიორაციის“ საზოგადოებასთან ურთიერთობის სამსახურის უფროსის 2018 წლის 6 ნოემბრის № შ-17650 მოხსენებითი ბარათიდან ირკვევა, რომ მიუხედავად ხელშეკრულების მოქმედების ვადის 2-ჯერ გაზრდისა, მიმწოდებელმა მაინც ვერ შეძლო ტექნიკური მოთხოვნების შესაბამისი საქონლის მიწოდება.

4.5. მიმწოდებელმა არაჯეროვნად შეასრულა ხელშეკრულებით ნაკისრი ვალდებულებების და ამოიწურა 2018 წლის 30 ივლისის №80/18 სახელმწიფო შესყიდვის შესახებ ხელშეკრულების მოქმედების ვადა.

### **სამოტივაციო ნაწილი**

#### **5. შემაჯამებელი დასკვნა**

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ შპს „პრინტ ჰაუსეს“ უნდა მიეცეს გაფრთხილება.

#### **6. გამოყენებული სამართლებრივი აქტები**

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

#### **7. სამართლებრივი შეფასება**

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავდროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. მოცემულ შემთხვევაში, დგინდება, რომ მიმწოდებელმა არაჯეროვნად შეასრულა 2018 წლის 30 ივლისის № 80/18 სახელმწიფო შესყიდვის შესახებ ხელშეკრულებით ნაკისრი ვალდებულებები. ამდენად, სახეზეა მიმწოდებლის გაფრთხილების ან შავ სიაში დარეგისტრირების წინაპირობა.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-5 პუნქტის თანახმად, გაფრთხილების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი წერილობითი შეტყობინება სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს, მაგრამ პრეტენდენტის/მიმწოდებლის შავ სიაში დარეგისტრირებით

დაირღვევა თანაზომიერების პრინციპი. გაფრთხილება გამოიყენება ერთხელ და მოქმედებს ერთი წლის განმავლობაში.


7.6. განსახილველ შემთხვევაში, სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოაღნიშნული წესის მე-3 და მე-4 მუხლებით განსაზღვრულ მოთხოვნებს. ამასთან, სააგენტო ითვალისწინებს მიმწოდებლის მიერ მიწოდებული საქონლის ღირებულებას (სრული მოცულობის 60%). ამდენად, სააგენტო მიიჩნევს, რომ, ამ ეტაპზე, შპს „პრინტ ჰაუსეს“ შავ სიაში დარეგისტრირებით დაირღვევა თანაზომიერების პრინციპი და მიზანშეწონილია მის მიმართ გაფრთხილების გამოყენება.

### სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-5 პუნქტით და დაადგინა:

1. შპს „პრინტ ჰაუსეს“ (ს/ნ: 406246361) 2019 წლის 18 იანვარს მიეცეს გაფრთხილება.
2. დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს სააგენტოს ვებგვერდზე შესაბამისი ჩანაწერის გაკეთება.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე

ხელმოწერილია/  
შტამგდასმულია  
ელექტრონულად 

ლევან რაზმაძე